

9. Rem ita sese habere, non solum ex Apologia manifestum est, in qua haec verba leguntur: In Cæna Domini verè & substantialiter ad sunt corpus & sanguis Christi, & verè exhibentur cum his rebus, quæ videntur, pane & vino, his, qui Sacramentum accipiunt: sed etiam formula Concordiæ anno 36. inter Lutherum & Superioris Germaniæ Theologos Wittebergæ inita, in qua transubstantiatio rejicitur disertè, Augustana Confessio recipitur.

10. Quod autem Apologia Canonem Missæ, & dictum Vulgarij amplectitur, quo dicitur panis in carnem Christi mutari, id ita accipiendum est, quòd panis non mutetur ratione substantiæ, sed ratione usus, & quemadmodum Theodoretus ait, nõ natura panis amittatur, sed gratia apponatur.

11. Porro corporis & sanguinis Christi sub pane & vino presentia, & manducatio ac bibitio, quæ ore corporis nostri peragitur, & verbis Confessionis & argumentis in Apologia, disertè astruitur.

12. Nam præter spiritualem nostri cum Christo coniunctionem, quæ fide ac caritate sincera fit, etiam illam de sententia Cyrilli  
enun-